



28. april 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

- **Naalakkersuisunut apeqqutiginiarpara nunaqarfinni suliffissaqartitsiniarnerup, ilinniartitaanerup kiisalu ilinniartitseqqiinerup siuarsarnissaanut pissamaatitut 20.mio. kr. immikkoortinneqartut eqqarsaatigalugit suliat ullumikkumut suut ingerlanneqarsimanersut suullu pilersaarutaanersut pillugit matumuuna apeqquteqarpunga.**

(Hans Enoksen Siumut)

Tungavilersuut:

Siorna inatsisartut ataatsimiinneranni 19.juni 2009 aningaasat 20 mio. kr. inatsisartunit akuersissutigineqarput nunaqarfinni tunitsiviit inuussutissarsiornikkullu periarfissat kiisalu ilinniartitseqqiinerup ilinniartitsinerullu annertusarnissaannut atugassatut akuerineqarlutik.

Tamannalu pissutigalugu matumuuna ersarissumik paaserusuppakka aningaasat immikkoortitaarlugit sunut atorneqarsimanersut paaserusullugit.

Nunaqarfiit tunitsiviisa ingerlaannarnissaannut isumaqatigiissutit qanoq aningaasartaqarpat? Aammalu suut isumaqatigiissuteqarfigineqarpat qanorlu aningaasartaqarpat, aammalu ukiunut arlalinnut aqqitaanersut isumaqatigiissutit.